



## Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

# Што робити дальше.

В попередном номері писали мы о том, же в виду нового проекта закона о наследстві, котрый буде хоронити грунт перед роздробленем, родичи повинни уж завчасу приготувити свои діти до ремесла, торговлі, або уряду.

Неодеж селянин хотіл бы тото зробити, але не знає, где одати свою дітину и тому о-ставлять ю в хаті, инший знову оддал бы свого сынка до ремесла, але не хотят его приня-ти, бо не має свідоцтва со школы и т. д.

Штобы в будучности селяне не были на-ражены на такы перешкоды и штобы каждый знал, як треба робити, штобы дітина могла от-быти термин в склепі або при ремеслі, подаме ниже дотычны приписы школьны.

В Польщі наука єст обовязкова, то значит, же каждый отец мусити посылати свои діти на науку до той школы, яка єст в селі. Але по наших селах сут переважно школы 1-дно и дво-класовы, то єст такы, в котрых учит оден або двоих учителей. Оконченє такой школы не дає прає до приняты до термину при ремеслі и в склепах. Штобы можна быти принятым до ре-месла, треба выказати ся свідоцтвом оконча-ня школы 6 або 7-класовых. Такы школы сут по містах и по великих селах.

С того видно, же тепер не выстарчит окон-чити сельску школу, але каждый, кто хоче вы-учити ся ремесла або купецтва, мусит ити до школы до міста и там окончити школу 6 або 7-класову.

По оконченю 6-ти класовой школы може хлопец, або дівчина достати ся также до гим-назии. Гимназии тоты, або, як их называли у нас люды „школы латинскы“, сут тепер со-всем иначе сорганізованы, як давнійше.

Коли давнійше гимназии приготувляли молодеж лем до уряду, то тепер приготувляют они также до ремесла и до купецтва, бо сут розмаиты гимназии. В одних учат молодеж на урядников, священников и учителей, в дру-гих — на добрых ремесельников (слесаров, столяров, кравцов и т. д.) а ище в инших на купцов.

Наука в таких гимназиях тырват 4 roky. По оконченю гимназии хлопец може уж, або сам на себе робити, або, — если має охоту до науки и средства на тото, — може учити ся дальше в так званных лицеях, а по оконченю

тых, може ити также и на универсытет, т. є. до найвысшой школы. И може ся трафити, же хлопец, котрый початково мал намірене оста-ти ковалем, або слесаром, по оконченю фахо-вой гимназии учил ся дальше и стал ся инжи-нером.

Недавно на отбытой под председатель-ством министра Клярнера конференции пред-ставителей учительства и прессы, порушено барз важну справу, а именно, якы школы має кончити молодеж, штобы могла як найскорше здобыти собі кусник хліба.

Министер Клярнер подал пару цыфр, ко-тры сут причином біды на селі. Найважній-шем причином єст тото, же в Польщі єст за-дуже селян, а за мало купцов, ремесельников, урядников и т. д. В Польщі трох селян прина-дат на 2-ох неселян, во Франции — на 6, в Ні-меччині — на 11, а в Англіи — на 45 несе-лян.

Нич дивного, же у нас консумция сель-ских продуктов через неселян єст мала и тото спричинят низкы ціны продуктов. Результат єст такий, же на селі ніт грошей и селяне ку-пуют мало промысловых товаров. В р. 1936. сельске населенє выдало на товары промысло-вы всього лем 1 миллион злотых, а населенє міст — 8 миллиардов злотых. Факт тот промов-

Як с того видно, днешны науковы про-грамы сут во всіх школах так уложены, же каждый може выбрати собі таку школу, яка припадат єму до вподобы, што облегчат в вы-сокой степени выбор науки для дітей. Лем од-ну школу мусит окончити каждая дітина, а том школом єст 6-сти, або 7-ми класова шко-ла всенародна.

— :: —

## Где глядати хліба.

Недавно на отбытой под председатель-ством министра Клярнера конференции пред-ставителей учительства и прессы, порушено барз важну справу, а именно, якы школы має кончити молодеж, штобы могла як найскорше здобыти собі кусник хліба.

Господарчому оживленю послідных літ товаришит недостаток выквалифированных сил робочих. Бракує у нас передовсем доброго ку-пецтва. В Польщі на 100 людей занимаєт ся ку-пецтвом лем 4 особы (во Франции и Німеччи-ні 12, в Англіи 15). Бракує у нас также жен-щин, котры уміли бы вести добре домашне го-сподарство. Прото тыж в Польщі заходит пе-куча потреба утвореня достаточного количе-ства фаховых школ, а передовсем школ купец-ких и домашнего господарства. До тых школ належит в першой мірі посылати нашу моло-деж по оконченю школы народной и гим-назии.

По оконченю тых школ найде напевно на-ша молодеж занятє, што причинит ся до по-мьнення перенаселеня села и до экономич-ной поправки краю.

— :: —

## Нова революта анархистов в Испании.

Перед двома неділями уступило прави-тельство Лярго Кабаллеро и на его місце вы-брано в Валенции правительство, зложено с людей поважных и умеркованных. Тым спосо-бом правительство сподівало ся, же допрова-дит до угоды с повстанцами и потрафит закон-чити братоубийственну войну.

Тымчасом в послідных днях доносят га-зеты, же радыкальны группы, котрых не до-пущено до правительства, старают ся тото пра-вительство обалити и хотят установити анар-хистычну диктатуру.

В Валенции мало дойти до поважных кон-фликтов, а также и до оружной борьбы. Пра-

вительство Валенции призвало до міста одді-лы полиции. На улицах міста дошло до борбы, в часі котрой пало много жертв с одной и дру-гой стороны. Революційны беспорядкы загні-здили ся в многих містах. В місцевости ката-льонской Барбастро выбухло повстанє анар-хистов. Заняли они публичны будынки и а-рестовали много сторонников правительства, котрых поставили перед суд. Кружат поголо-скы, же на основі выроку того суда розстріля-но уж понад 50 людей.

Понятно, же в таких условиях ніт што на-діяти ся скорого оконченя домашной войны в Испании.

### Пренумерата в краю:

30 грошей місячно,  
80 „ квартално,  
1.50 „ полрочно,  
3 зл. рочно.

В Америкі: 1 дол. рочно.

В Чехословакии:

2 кор. місячно, 10 кор. полрочно,  
20 кор. рочно.

Ціны оголошень:

Ціла сторона 120 зл.,  $\frac{1}{2}$  сто-  
роны 60 зл.,  $\frac{1}{4}$  стороны 35 зл.,  
 $\frac{1}{8}$  стор. 20 зл.,  $\frac{1}{16}$  стор. 10 зл.;  
оголошеня малы за 1 мм. 20 гр.,  
в тексті 30 гр., перед текстом  
40 гр. При місячном и долгом  
оголошеню значна знижка.

Конто чекове Нр. 404.155.

## О перенесені Апостольской Администрации до Сянока.

Минат уж 2<sup>1/2</sup> року от часу, коли перший Апостольский Администратор осіл в Рыманові-Здрою, штобы правити порученом ему паством.

Выбор Рыманова-Здрою на столицу Лемковского Владыки, треба признати, не встрітил ся с восторгом у заинтересованных сторон.

Недовольный выбором столицы был перший Апост. Администратор, а и лемковске населене удивляло ся выбору місцем пребывания их владыки.

Представителям Лемко-Союза, предлагающим перенесене столицы до другой місцевости, а в особенности до Сянока, выяснено, же Рыманов выбрано на місце пребывания Лемковской Ап. Администр. задля его центрального положенія меже западном и восточном Лемковщином и што рішене того має лем характер тымчасовости, бо житє само в коротці покаже практичность того постановленія.

Тот недолгий час переконал нас всіх, же выбор Рыманова-Здрою на місце пребывания Апост. Администратора Лемковщины так со възгладов практичных як и для духовного життя и розвою Лемковщины, оказал ся не дуже удачным.

Треба ствердити, же Рыманов-Здрой не лежит в центрі Лемковщины. От Крыницы, Шляхтовы, Тылича и всіх отдаленых закутин Лемковщины іде ся до Рыманова-станции 6 до 7 годин желізном дорогом, а до Сянока — не цілу годину долше.

Кед дорахує ся годину дороги со станции Рыманов-Вороблик до Рыманова-Здрою, то час ізды с западной части Лемковщины ци до Рыманова, ци до Сянока буде такий сам, а для людей со восточной части Лемковщины до Сянока о 2 години коротший. До того, до Сянока іде ся просто, без клопоту и коштов, які треба понести на фурманку со станции Рыманов-Вороблик отдаленого од Рыманова-Здрою около 10 км.

Практично аджек Рыманов-Здрой єст своим положеніем для каждого интересанта с выключеніем килькох сусідних сел меньше доступный, як Сянок, в котром вся Лемковщина хотіла бы видіти столицу свого Владыки.

Рыманов-Здрой через цілый рок с выключеніем двох до трох місяцов, то маленький присілок с килькадесятьма душами римо-кат. обряда. Ніт там ани церкви, ани вірных. Апостольский Администратор живе там оторванный от народа и рідко гдєякий наш человек, котрого припече пильна справа, стане перед

лицем своего епископа. Тот брак личного контакта Владыки с вірными єст для всіх нас не пожеланный и отбиват ся для Лемковщины негативно. Сут ище в нас и такы люды, же ани не знают, же маме своего лемковского владыку. Там, где кому на том залежит, повідают ище днеска, же належимо до Перемышля.

Перенесене столицы с Рыманова до Сянока зближит Владыку до Лемковщины и взаимно. Сянок, маючий свою традицію, яко колишній престольный город наших епископов, поднесе авторитет лемковской Апостольской Администрации, а в будучности лемковской епархии.

Сянок, где в великой мірі украинска ин-

## Глядают богатств в землі.

Геологи глядают безпрерывно, ци земля не крєе перед людьми гдєяких богатств. Гляданє того иде в двох напрямках:

1) найти т. зв. суровы продукты энергичны, як каменный уголь, ропы и земны газы и

2) найти руды желізны и других металей.

Каменного угля має Польща дост, але поклады его лежат на границі німецкой и тому геологи хотіли бы найти его также в глубині краю. Судячи по подобных покладах, сподівають ся геологи найти великы поклады угля на Волини. В той цілі робят там глубоки верченія, подобны до тых, які робит ся при гляданю ропы.

Планше представляют ся справа с ропом, котрой количество стало маліе. Геологи сподівають ся найти новы поклады ропы в горских сідлах середных и восточных Карпат. Великы надежды лучат ся с теренами в Липю коло Лютовиск.

Земны газы выступают звычайно разом с ропом, хоц часом появляють ся без ропы. Великы поклады земных газов находят ся в Дашові коло Стрыя и в Ростоках коло Кросна.

Руды желізной глядают на убогах Свен-токржиских Гор.

Мідь сподівають ся найти на Волини.

Манган має быти в вилах рікы Черемоша коло Черногоры.

На Подкарпатю, коло Калуша и Стебника глядают геологи потасных солей, котры розвязали бы справу штучных навозов.

На Волини сподівають ся найти порцелянову глинку каолин.

телигенция завоевала лемковскы позиции, найде в лемковском Владыці моральну кріпость и опору и стане ся центром народного лемковского життя цілой Лемковщины.

Вшиткы, што розуміют важность той справы, повинни содїйствовать для осягненія той цілі.

Рішеніем правленія Лемко-Союза постановлено выслати до компетентных властей меморіал с просьбом о перенесеніе столицы Апостольской Администрации с Рыманова до Сянока.

В найблизних днях предсідатель Лемко-Союза выїзджат до Варшавы для предложенія меморіала и личной интервенции в той важной для Лемковщины справі.

—:—

Гляданє подземных богатств єст однак тяжком и неспором роботом. С каждой той закутины можеме достати уж завтра вість о покладах, але можна также ждати и долго на результаты.

## Комуникат в справі войсковых вправ.

В текучом року будут покликаны на звычайны войсковы вправы тоты подофицеры и воякы, належачи до резервы, котры достанут именны карты покликания.

Покликаны на войсковы вправы могут с важных причин, як нпр. смерть и несчастье в родині, або с других важных причин одержати пересуненіе часу отбытія вправ на термин позднійший, як тот, котрый назначено им в карті покликания.

В таком случае належит внести просьбу через Староство до той Повітовой Коменды Дополненъ, котра выполнила карту покликания и то найпозднійше на 4 тыждні перед термином распочатія войсковых вправ. Близиши информации сут оголошены в обвіщенях, выішеных в каждом селі.

## В ССВІТАХ СТРАЧЕНО 11-ох ЖЕЛІЗНО-ДОРОЖНИКОВ.

С Москвы доносят, же в Хабаровску виконано вырок смерти на 11-ох желізнодорожниках, оскарженных о шпйонство на користь Японии и саботажу на желізных дорогах Дальнего Востоку.

о: Д. В.

## Церковный пѣснописец св. Іоанн Даманскін.

В пасхальном поученіи згадав я вам Любезни Друзя, що канон утрени пасхальной уложил св. Іоанн Дамаскин. Канон той отличает ся такою взнеслостію гадок и так чудной мельедіей, що больше як 1000 лѣт лунає он по наших восточных св. храмах, а всегда он полный той самой свѣжости и нѣжности, всегда с той самой силой, в тую поднеслую хвилю, электризує наши души.

Сила той пасхальной пѣсни длятого так велика, бо канон той, то правдиво артистичне твореніе, в которое его творец, св. Іоанн Дамаскин, влял полную силу своего духа и сердца. Як канон покаянный св. Андрея Критского, (о котром колись особно вам розскажу), в области богослуженія Впостного — найвзнеслѣйша пѣснь покаянна, — так канон Пасхи,

св. Іоанна — найвзнеслѣйша пѣснь радости и побѣды Спасителя над смертію и адом.

С так достойным Творцем и св. Мужом, его житьем и дѣятельностію, бодай в коротком начерку познакомиться, нехай Любезни Друзя, буде предметом моего нынѣшного розговора с вами.

Св. Іоанн родил ся около 676 р. в мѣстѣ Дамаску и длятого он званный Дамаскин. Родители его были христіане. Отец Сергій был урядником при дворѣ дамаского калифа Абдаль-Малека.

Коли музулмане (невѣрны Арабы) дѣлали нераз великіи кривды христіанам и оскаржували их несправедливо перед властею — Сергій дуже ревно заступал ся за ними перед калифом. А Сергій был то человек розумный,

поважный и доброго сердца, длятого шанували его и Музулмане, и своим впливом дѣлал он много доброго христіанам в их притѣсненіях.

Іоанн был одиноким сыном у своих родителей, та щобы ему добрати доброго и щирого товарища — Сергій принял до своего дому одного сироту и усыновил его. Был то Косма — познѣйший епископ маюмскій — також творец многих церковных пѣсней.

Учителем обох юношей был один дуже образованный монах именем також Косма, котрого Арабы поймали в плѣнь а побожный Сергій выкупил его. Под руководством того Космы, оба талантливы молодцы поступали скоро в науки и в коротцѣ здобыли такое образованіе, яке в тых часах уважалось за совершеніе. Так совершивши свое дѣло, монах Косма опустил дом Сергія и поступил в монастырь св. Саввы, где в молитвах и подвигах монаших провел свою дальшу жизнь.

## За мало іме свіжих ярин.

Одном с причин многих хворот ест неуміло консумований корм. Особенно на селі населене, примушене до тяжкого труда, ест кормлене неуміло, нествітно и невыстарчаючо. Тот отбиват ся некористно на его здоровлю. Человік, тяжко робячий мусит преця мати силу до той роботы, а силы тоты дае ему корм. С господарчого досвіда знаме, же każde домашне звіря, ствітно и выстарчаючо кормлене, дае нам больше користи, як забіджене.

С людьми діе ся так само. От перших дней життя мусиме уважати, штобы дітині дати такий корм, котрый причинят ся найлучше до ей розвою и до ей здоровья.

Штобы жити, розвивати ся нормально и робити, мусиме істи — т. е. давати людской машині потребны продукты, бо иначе перестане она належито дієвувати.

Тож мусиме дати организмови с одной стороны такы продукты, котры дієвуют на будову и отбудову частинок нашего тіла, а с другой стороны такы, котры сут потребны до бытвореня силы и тепла.

До отбудовы знищених и нищачих ся в каждом живучом организмі частинок, мусиме уживати матеріяла, в котром ест білко. Найбольше того цінного складника можна найти в мясі, рыбах, сырі, яйцах и рослинах стручковых.

Всяка омаста служит человекowi до вытвореня тепла, потребного в житю и штоденной роботі. Невелике количество білка и омасты найти можеме в яринах, прото тыж ярины без омасты и корму містячого в собі дуже білка, сут для человекa скупым кормом. Але власне таким скупым кормом живе найчастійше населене на селі. Оно не може позволить собі на купно мяса, а свои продукты, як масло, сыр, яйца, куры и т. д. продае.

Населене на селі, особенно на передновку ест переважно ярины зимовы: картофлі, капусту и ріжны продукты зерняны и стручковы: кашу, муку, хліб, горох, физолу и т. д. До продуктов тых додае ся звичайно недуже молока и омасты. С таких продуктов складат ся звичайна страва. Ест она скупа, бо ест в ней за мало білка, толщу и потребных до життя витамин, котры дают нам житє.

Дітина без витамин зле росне и розвиват ся, старший хворіє и все недомагат. Тягле уживане варених, хоц бы и найпоживнійших страв не даст и не може дати человекowi ствітних сил и здоровья, а штож бесідовати о о-

дностайном и скупом кормі населеня на селі.

Тоты трудности можна однак усунути при ствітном доборі продуктов и страв. Мясо, котре має найбільше білка, можна заступити иншими продуктами, богатыма в білко, нпр. горохом, физолом, свіжим сыром, кашом овсяном, сушеныма грибами, житньом муком и т. п. Гдеякы с тых продуктов містят в собі также много толщу як нпр. овсяна каша, мука житня и пшенична и грибы.

Витамины однак можеме найти лем во всіх свіжих яринах, овочах, свіжом молоці, муці, чорном хлібі, а также в кышеной капусті и огурках. Прото тыж треба доконче додавати тоты продукты до штоденной нашей стравы. Особенно має то величезне значене при кормленю дітей.

В теперешном передновку каждая хозяйка повинна мати на грядці редковку, зрізуванец, салату, штобы дополняти корм. Дітям треба давати як найбільше свіжого молока, сок с моркви, бурачаний квас, стеранку с чорной муки и грубый чорный хліб.

Велике значене мають также кышени огурки и сурсва кышена капуста. Сут то продукты, котры находят ся в каждой селянской хаті, треба лем уміло их доберати, а будеме сильны и здоровы.

## Злученыма силами.

Довідуєме ся, же в нашем селі Жегестові група селян злучила ся для покупки машины до выробу черепов. Инши селяне в том самом селі закладают цегельню.

Тот радостный факт, сам по собі без великого значеня, подчеркуєме прото, што мы ище не барз умієме обєдиняти ся и лучити, не барз умієме злученыма силами бороти ся о наше господарче поднесенє — мы, каждый отдільно, борыкаме ся со своим бідом; часто однак сил одного человекa мало, штобы тоту біду побороти и прото тыж мы отстаи господарчо от других народов.

Видиме, што други народы вооружены найновійшими машинами, котры освободжают их от тяжкого ручного труда, знают новы способы господаркы и уміют вытягнути больше дохода из землі и со скота. Народы, вооружены лучшими машинами, вооружены новочасныма способами управы землі, новыма способами годовлі статку, живут богатше, культурнійше. Такы народы выходят с господарчой

жу так сильне розярєньє умов и заколот в св. Церкві, узнал я, що не пора тепер молчати, бо я бою ся больше Бога як цїсаря", и в дальших словах так ясно и краснорѣчиво, на подставѣ св. Письма, св. Преданїя церковного и здорового розума, выложил догмат иконопочитанїя, що тая его бесѣда може смѣло назиратись перлюю в даной области.

Выступленіє св. Іоанна укрѣпило вѣрных поклонников св. икон — иконоборцы послабли, але за тоє змогла ся еще больше их злоба и заѣлость. Не могучи противоставитись св. Іоаннови, оклеветали они его, яко измѣнника, перед цїсарем Львом — а той написал письмо до калифа и предложил еще иншіи ложны письма, будьтобы письма св. Іоанна, и просил кары на него.

(Продолженє в слїд. числї).

борбы, яка меже нима веде ся в світі — побідителями.

Прото тыж мусиме радовати ся каждому поступу серед нашего народа, каждой машині, яка появлят ся меже нами, мусиме радовати ся каждому лучшому способу управы землі, каждой молочной корові, котру выховат ци купит наш руснак.

Часто однак набыте такой машины, котра обєлечила бы нам труд, котра освободила бы наш народ от чужого вызыску натрафят на великы трудности: одного господара не стати на закупно такой машины, а лучити ся по килькох, ци кильканадцетох мы ище не барз привыкли. Мы не привыкли ище лучити ся разом, штобы перевести яке господарчо добре діло, ци то буде купно обєдой машины, ци устроїство курса, заосмотрєне села в добры господарчи книжки и т. д.

Научити бороти ся за господарче поднесенє села могут нас научити кружки Руского Рольничого Союза и наши читальні им. М. Качковского. Особенно ест то обовязком читальнє старших, загосподарованих и богатых, котры мають и досвід в организационной роботі и матеріяльны средства.

Як величезне значене може мати кружок ци читальня при господарчом поднесеню села, увидиме со слїдующого хоц бы приміра.

Кружок Рольничий або читальня рішають поднести в своем селі молочне господарство и в той ціли высылають злученыма, общима силами талантливого хлопца на науку молочного діла за границу — до Швайцарии або Дании, где молочарство стоиет высоко, або по просту до одной из краєвых господарчих школ. По пєвороті с науки наш курсант устроїє в читальні лекции о годовлі скота, переводит контроле молочности коров, служит каждому в селі свсима порадами, впроваджат вмісто до теперешных бодай яких росплодовых быков — расовых быков из молочной породы статку, одним слєвом, слїдит за правильном молочном господарком села.

Штобы однак выслати такого курсанта на науку, штобы дати тому своему агроному по повороті до села удержанє, на тото мусіє бы кружок, або читальня выдати значны сумы гроша. Ци тоты всі выдаткы оплатили ся и принесли селу користи?

Порахуйме! Середно наша корова дає 1.500 литров молока рочно. За границами, а и в Польці в передовых господарствах, тота сама червена коровка дає 3.500 до 4.000 л. молока.

Допустиме, же в слїдствие цілой діяльности нашего курсанта молочность коровы в нашем селі поднесла ся лем о 500 л. рочно — до высоты 2.000 л. в рок. Приймийме дальше, што наше село невелике, має всього лем 200 коров, то рочно продукция молока подняла ся в селі о 100.000 л. молока, што робит в грошах 20.000 зл. при ціні молока по 20 гр. за 1 л. С того видиме аж надто ясно, што высылка хлопца на науку и удержанє агронома селу оплатило ся.

Кружок ци читальня зробили велике діло: село стало богатше. До того довела праца обща — злучена. Читальня ци кружок обєдинили силы села, выхєтали агронома, дали ему удержанє, зробили тото, што трудно было зробити одному человекowi. За тото однак тот лучный труд принес свои плоды. Село подняло ся не лем на высший матеріяльный уровень, но в парі с тым подняло ся оно культурно, духово.

Прото тыж обєдиняйме наши силы, учме ся общим, злученым трудом бороти ся о улучшение нашего господарчого положеня!

По смерти Сергія — Іоанн занял мѣсце своего отца при дворѣ калифа и по примѣру отца был великим покровителем христїян. Но провидѣніє Боже выбрало его до больших и важнѣйших дѣл.

В том часѣ сидѣл на престолѣ греческом император Лев изаврійскій. В 730 р. выдал он едикт, котрым заказал отдавати честь св. иконам (образам). Повстала так звана в исторіи ересь иконоборска — дуже люта, пригадуюча своими жертвами гоненіє христїян за римского императора Діоклетїяна. Вѣрны христїяне не хотѣли поддаватись едиктови цїсарскому — многіи с них попадали за свою стойкость в вязницы, тяжкіи каторги и поносили смерть мученичу.

Тогда то в первый раз выступил св. Іоанн Дамаскин в оборонѣ почитаня св. икон. Публичный свой выступ начал он словами: „При моей немочи, може лучше былобы мнѣ молчати и каяти ся своих грѣхов — но коли вид-

## Що чути в світі.

**Львам смакують самоходовы опоны.** Штобы оживити торговлю в пустынной части Родезии — краю належачом до Англії и положеном в полудневой Африці, хотіл оден англік пустити через пустыню автобусы. Але то то оказалось ся невозможне, бо львы нападали на автобусы, перевертали их и сїдали опоны. Видно гума им барз смакує. Англік мусіл ся выречи автобусовой комуникации через пустыню аж до часу, коли вынайдуť якийсь инший материял на опоны, котрый бы львам не смаковал.

**Муринский апостол в пачці под углем.** В Америкі здобыл собі серед муринов славу апостола оден мурин, котрый называт ся Бакер. „Апостол“ тот користал ся наивности муринов и казал ся им оплачати. Американска полиция хотіла положити конец его шкодливой діяльности и арестовала его в Мильфорд.

Коли полиция появила ся перед муринским готелем в Мильфорд, мурины сказали ей: „не найдете его, бо он єст богом и єст невидимый“. Полиция почала однак глядати и нашла „бога“ в пивниці, где сховал ся в пачці под углем. Полициянты вытягнули „апостола“ с пакы и всадили до аресту.

**Новый англицкий самолет бомбовый.** Англицкы газеты доносят, же вынайдено там новый тип бомбового самолета. Єст он середной величины и робит на годину 540 км. Самолет тот отрывает ся от землі праві просто в гору и незвычайно скоро летит до горы.

Єст то перший самолет бомбовый, на котром можна робити такы обороты, як на найлегчих самолетах. Самолет тот будит в воздухоплавательных кругах велике заинтересованє.

**Зрек ся престола для женщины.** Королевска корона перестала импновати уж и самым князям. В минувшом році зрек ся короны англицкий король Едвард, штобы оженити ся с американком Симпсон, а в том році маме уж два подобны случаи. Перед пару тыжднями зрезигновал со всіх прав, прислугующих пануючим родам румунский князь Николай, а тепер знову князь шведский Кароль заручил ся с грабином Ельсен фон Росен, котра не походит с королевского роду и прото Кароль мусіл ся отречи вшиткых прав до королевского престола. Кароль єст братом помершой в самоходовой катастрофі бельгийской королевы, Астрид. Бельгийский король заявил, же надаст ему титул бельгийского князя.

**Лявина убила 6 людей, котры глядали золота.** Недалеко місцевости Севард, положеной на Алясці лявина засыпала на смерть 6 людей, котры глядали там золота. Лявина мала перешло полтора кильметра ширины, а верства снігу была около 10 метров груба.

**Їсмер оден с найбогатших людей світа.** Недавно помер в 98-ом року життя Дзьон Рокефелер, богатч американский. Маєтку своего доробил ся на нафті. В житю был то человек твердый и безжалостный, але за то не щадил он николи гроша, коли росходило ся о будову домов для бідных, або инших пожиточных институции. Загалом на общественны ціли выдал он сколо 500 миллионов долларов. В последних літах не занимал ся уж своими ділами и жил на Фльориді. Хотіл дожити конечно сто літ и не дуже му до того браковало.

**Їсмер Др. Кароль Крамарж.** Дня 26. мая помер в Празі знаный политик чешский, перший премьер республики Чехословацкой в 76-ом року життя д-р Кароль Крамарж. Др. Крамарж был арестованный в часі войны за русофильство через войсковы австрийскы власти и был засуженый войсковым судом на кару смерти. Помилованный через австрийского цисара, сїдил в гарнизоновом аресті во Відни разом с многыма нашима мучениками до конца світовой войны. По утвореню Чехословацкой республики грал в Чехословакии видну роль, яко председатель народной демократии.

## Вісти с краю.

**Борба с пижмовыма щурами.** Крім щура звычайного сут ище щуры водны - пижмовы, котрых скоркы сут уживаны на футра и маюť дост високу вартость, бо 1 до 3 зл. за штуку. Давнійше в Европі щуров тых не было и жили они лем в Канаді. В р. 1905 пущено на болота середных Чех 5 щуров пижмовых. Щуры тоты в продолженю пару літ розмножили ся в небывалый способ и стали ся правдивым несчастьем середной Европы. В р. 1929. появили ся перши пижмовы щуры в Польщі на Шлеску, в пару літ позднійше дошли уж до Кракова, а тепер доходят до Олькуша.

Пижмовы щуры робят величезны шкоды в рыбных ставах, млинах и других заведениях, послугующих ся водном енергиом. Они нищат запоры, язы и железнодорожны насыпы, находячи ся недалеко воды. Греблі нищат они через численны подкопы. Они будуюť в греблях подземны ходники и тунелі.

Краковска Палата Рольна высала до Министертства просьбу о помоч в борбі с тыми шкодниками.

**Побили ся о яйце.** В одном селі коло Радома два брата повадили ся о яйце. Кура одного брата знесла яйце на обыстю другого брата. Звада перемінилася скоро на битку, в часі котрой оден урадил другого смертельно мотыком в голову.

**Ксник, меньший от пса.** В зоологичном саді в Варшаві уродил ся шотландский куцук. С посеред уродженых до тепер 10-ох конников єст он наименьший, бо має всего 50 см. высоты.

**Мышь погрузила місто в темноті.** Небывалый случай мал місце в Замості. О годині 9. вечером ціле місто, освѣтлене электриком, погрузило ся в темноті. Одновременно в электровні дал ся чути сильный взрыв.

Показало ся погодивше, же причиною того стала ся мышь, котра заплянтала ся меже проводы и спричинила тот случай.

Случай тот мог ся стати причиною смерти одной дівчины. В том часі давано в цирку представлєнє и в клітці с львами находилася покорителька звїрят. В последней хвилі удало ся ей выдостати с клітки.

**Рыбаки спасли летчика, котрый упал до озера.** Рыбаки ловили рыбы в озері бискупинском недалеко Быдгощи. В том часі самолет с Торуня, уносячий ся в воздух, упал раптовно на озеро меже дві рыбацкы лодкы и летчик, подпоручник Вл. Урбан достал ся под самолет. Рыбаки поспішили с помочом и удало ся им выдостати с под самолета неприотомного летчика.

**Страшна буря перешла над частями воеводства краковского и келецкого.** В минувшом тыждні перешла страшна буря над частями воеводства краковского и келецкого. В многих місцевостях вода с рік выступила и залила великы пространства землі. Много хат єст заляных водом. Утонуло ся парунадцетеро людей. Пару домов спалило ся от громов. Также в Познаню в часі бурі ударил гром в склад спирта, спалило ся около 1 миллион литров оксаты. Втраты сут великы.

В прекрасной горской курацийной місцевости повіта горлицкого иде на продаж

### НОВА ВИЛЛЯ

о 5-ох покоях с верандами и сутерынах.

В кухні водопроводы. Вилля умебльована. До виллі належит яринный огород и 2 моргы управленого и засіяного поля. Полный инвентар господарский живой и мертвый.

Близши информации у настоятеля

РУССКОЙ БУРСЫ В ГОРЛИЦАХ.

КУПЛЮ ВЕЛИКУ ИЛЮСТРОВАНУ БИБЛИЮ  
О. МАЩАКА.

Адресовати до администрации „Лемка“  
Крыница.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ  
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

за асекурує ся  
в асекураційном Товаристві  
**ВИТА И КРАКОВСКЕ**  
во ЛЬВОВІ

Асекурацію принимают на цілої Лемковщині  
представителі: гг. Осиф Ямовицкий — Крыница - Село  
и Михаил Перелом — Сянок.